

da sie beydē grüblin vñgetert seindt/ auch ebē seindt. Aber dieweil sie die beum  
in den seitten schlām setzndt / so wirt das oberteil des grabens vier werckschuh  
lang/ das vnderst teil zwē. Aber ans dem gerinne laufft das wasser hoch herab  
in die fichtene åst zusammen gwicklet/ daß es stracts/ vnd gar nach zusammen her  
ab lauffen/ vnd mitt seiner schwåre die schollen zerteilen möge / wievol etlich  
die reißlin nicht dē gerinne vnderlege/ aber in sein loch legendt sie ein zapffen/  
welcher so er das gerinne nicht ganz zuschleust/ so verhindert es auf dem nicht  
gar sein auf lauffen/ lassen auch das wasser nicht fehner hingnomen werden/ als  
ber zwingets daß es gstracks hinunder falle: der arbeiter aber füret die matery  
die zu wåschen ist/ mitt dem lauffkarren herzu/ vnd wirfts in den graben/ der  
seiffner sthet zu oberst im graben/ vnd zerreibt von einander die schollen/ mitt  
der seiffen gabel die siebē zacken hatt/ vnd wirft mitt der selbigen aufs jnen die  
wurzlen der beumen/ gsteuden/ kreuttern/ zu welcher weiz die graupen am bo  
den sitzen/ welcher so viel gesamlet werden/ welches gar oft gschicht/ nach den  
d seiffner zu dieser arbeit/ ein ganze tag hatt zugebracht/ als dan d̄ sie nicht zu  
me herab fliessendt/ thüt er sandt herzu/ vñ so er die matery widerub in dē ober  
sten graben hatt geworffn/ so wåschet er es widerub. Aber am vndersten graz  
ben sthet ein knab/ vñ mitt einer kleinen keilhauwe/ hebt er d̄ sich an bodē  
gesetz hat/ widerub auf/ d̄ nicht die steinlein von dē wasser gnomen/ herab fal  
lendt/ welchs geschicht/ so d̄ sich/ das sich an bodē gesetz hatt/ so viel ist/ d̄ es auch  
fichtene reiser/ mitt welche des grabens aussgang/ verstopft wirt/ bedectēdt.

Die gerinne A. fichtene reiß zusammen gwicklet B. Beum einer seitē drey/  
dan der vierde/dieweil der graben so tieff von matery/die ietz gewåschen/gfült  
ist/mag nicht ersehen werden C. Die beum des haupts D. Der lauffkarren  
E. Die seiffengabel so sieben zacken hatt F. Die keilhauwe G.

